

- **Fakultet zdravstvenih studija Univerziteta u Sarajevu**, ul Stepana Tomića 1, koji zastupa dekan, prof. dr. Arzija Pašalić, i
- **J.U. Zavod za zaštitu žena i materinstvo KS**, adresa: Josipa Vančaša br. 1, Sarajevo, zastupan od strane direktora Zavoda, Mr.med.sci.dr.Enis Hasanović, specijaliste ginekologije i akušerstva, zaključili su :

## SPORAZUM O SARADNJI

### Član 1.

Predmet Sporazuma o saradnji (u daljem tekstu Sporazum) je uspostava i održavanje naučno-istraživačke, obrazovne, stručne i komplementarne saradnje u oblastima djelatnosti potpisnica.

### Član 2.

Saradnja između potpisnica Sporazuma u odgovarajućim oblastima odvijace se u sljedećim oblicima:

- Izvođenje teoretske i praktične nastave za studente Fakulteta zdravstvenih studija,
- Zajednička stručna, istraživačka i obrazovna djelatnost, koja će se ostvariti realizacijom bilateralnih projekata i programa i u saradnji sa drugim međunarodnim subjektima,
- Razmjena edukatora i stručnih saradnika u skladu sa finansijskim mogućnostima potpisnica,
- Zajedničko obilježavanje dogovorenih međunarodno značajnih datuma za zdravlje stanovništva,
- Zajednički rad na pripremi tematskih stručnih skupova (radionica, okruglih stolova, simpozija),
- Zajednički rad na pripremi tematskih promotivnih materijala i kampanja,
- Uzajamna promocija vlastitih i zajedničkih aktivnosti,
- Zajednička priprema i apliciranje na tematske projekte finansirane od strane domaćih i međunarodnih izvora finansiranja,
- Ostale komplementarne aktivnosti od zajedničkog interesa.

### Član 3.

Realizacija pojedinačnih oblika saradnje strana potpisnica može se detaljnije utvrđivati posebnim Ugovorom. U cilju provedbe pojedinih oblika saradnje, svaka od strana potpisnica će imenovati osobu nadležnu za koordinaciju potrebnih aktivnosti.

### Član 4.

Otkazivanje Sporazuma može zahtjevati bilo koja strana potpisnica. Zahtjev za raskidom se podnosi najmanje šest mjeseci unaprijed.

### Član 5.

Sporazum se sačinjava u četiri (4) istovjetna primjerka od kojih svaka sporazumna strana zadržava dva (2) primjerka.

### Član 6.

Sporazum stupa na snagu danom potpisivanja.

**Fakultet zdravstvenih studija  
Univerziteta u Sarajevu**

**J.U. Zavod za zaštitu žena i materinstvo KS**

**Prof. dr. Arzija Pašalić, dekan**

**Mr.med.sci.dr.Enis Hasanović, direktor**

Broj: 02-1-734/21  
Datum: 27.04.2021.

Broj: 10-745-01/21  
Datum: 28.04.2021.